



ЛЕЗГИ Газет

Жуван Ватан, ватанэгълияр,
дидед чІал хуьх!

1920 – йисалай акъатзава

N 20 (10769) хемис 18 – май, 2017 – йис WWW.LEZGIGAZET.RU

Къимет “Дагпечатдин” киоскрай - 16 манат

Санал кІвалахиз гъазур я



Шкил - РФ-дин Къилин ва Гукуматдин пресс-къуллугъдин

РФ-дин СК-дин РД-да авай Силисдин управленидин кьиле
С.Дубровин тайиннарнава

16-майдиз Дагъустандин Къил Рамазан Абдулатипов РФ-дин Силисдин комитетдин РД-да авай Силисдин управленидин руководитель Сергей Дубровинахъ галаз гуьруьшмиш хъана. С.Дубровин и къуллугъдал Россиядин Президент Владимир Путинан 2017-йисан 1-майдин 192-нумрадн Указдалди тайиннарнавайди я.

Мярекатда Россиядин Силисдин комитетдин председателдин заместитель Борис Карнаухова иштиракна.

Рикел хкин, виликдай юстициядин генерал-лейтенант Сергей Дубровина Тульский областда, Ставропольский крайда СКР-дин гъа ихтин управленийриз регъбервал гана, прокуратурадин органра кІвалахна. Ам 1966-йисан 30-декабрдиз Тамбовский областдин Куксово хуьре дидедиз хъана, ада Саратовдин государстводин юридический академия куьтягъна. Адаз “Дирибашвиляй”, “Яракълу Къуватрин 70 йис”, “Разивалзавай Афгъанистандин халкъдин патай” медалар, “Ватандин вилик лайихлувилерай” II дережадин ордендин медаль, ведомстводин шабагъар, гъакни тІвар хъенвай яракъ ганва.

Гъа и юкъуз Сергей Дубровин Рамазан Абдулатипован иштираквал аваз РФ-дин Силисдин комитетдин РД-да авай Силисдин управленидин коллективдихъ галаз официалнидаказ танишарна.

“Сергей Дубровин пешекарвиллин чирвилер ва жуьреба-жуьре къуллугърал алаз регъбервал гунин кІвалах тухунин чІехи

тежриба авай кас я. Зун инанмиш тирвал, ада вичин хиве тунвай везифаяр лайихлудаказ кьилиз акъудда”, - кьейдна Борис Карнаухова.

Рамазан Абдулатипова Дагъустандин месэлайриз дуьзгъундаказ фикир гунай кьиле Александр Бастрыкин авай Россиядин Силисдин комитетдин руководстводиз сагърай лагъана. “Къейд авун лазим я хь, абур активнидаказ къаришмиш хъунин не-тижада чавай са жерге рекъерай кІвалахда къайда тваз алакьна. Им республикада ми-хьидаказ, уьтквемдаказ кІвалахай Эдуард Валерьевич Кабурнеев кьиле авай вири коллективди тухванвай зурба кІвалахни я.

Дагъустандин территорияда Россиядин граждандрин саламатвал умудлудаказ хуьн патал чун активнидаказ санал кІвалахиз гъазур я. За гъсабзавайвал, эхирим-жи йисара регионда къанун-къайда хуьдай органрин блокдихъ галаз санал лап жанлу команда арадал атана. Гележегдани гъукум кар бажармишиз, нетижалудаказ кІвалахиз алакьдайди хуьн герек я. Заз цийи руководителдихъ агалкъунар хуьн, Дагъустандикай адаз хъсан фикирар амуькун кланзава”, - лагъана РД-дин Къили.

Вичин нубатдай яз Сергей Дубровина РФ-дин Силисдин комитетдин РД-да авай Силисдин управленидин коллективди Дагъустандин ва Вирироссиядин абадвал патал властдин органрихъ ва къуватдихъ галаз алакьвалу къурулушрихъ галаз саналди бегъерлудаказ кІвалахун давамардайдахъ инанмишарна.

СтІал Сулейманан шииратдин йикъар



Асирра
амукъдай
шаир

Мердали ЖАЛИЛОВ

Гъар йисан 18-майдиз чІехи шаир-арифдар СтІал Сулейманан шииратдин сувар кьиле тухун адетдиз элкьвенва. Чи республикадин меркезда, шаирдин хайиди тир районда, хуьре, масанрани.

Цинин йисузни и кар тешкилувилелди кьиле физва. Вични чин къалур тавур вагъшири кайи квал-музей цийидаказ арадал хкайдалай къулухъ, руьгъдин чІехи сувар хъиз! Чаз акІ я хь, йисар ала-турдавай чун чІехи шаирдин ирсиниз мад ва мад мукьва жезва. Икъван чІаваралди Сулейманакай хъенвай, лагъанвай вири келимаяр кватІ хъувуртІа, са шумуд том-дикай ибарат ктаб арадал къведай. Чна чун арифдардин камалдалди девлетлу, къуватлу авун лазим я. Гъа чІавуз чаз чунни артух чир жедай.

Сулейманан ирс датІана авахъзавай ми хьби гъамга булах хъиз я. Эгер и чешме гъамиша ми хьбидаказ хуьз тахъайтІа, ам рагъулариз алахъдайбурни хуьн мумкин я. И кар тахун патал чаз Сулейманан къадир хуьн, чна адан ирсинин къуват, девлетлувал хуьн важиблу я. Лезги чІалан виридалайни ми хьби кагърабаяр шаирдин эсерра гъатнава. Гъавиляй хайи чІалал ашукъ тир гъар са кас Сулейманан шииратдиз вафалу хуьн чарасуз месэла я.

Шаир Расул Гъамзатова гзаф сеферра тикрарай “Чна Сулейман ваъ, Сулейман чун хкажна, дуьньядиз машгъурна” гафари-рин метлеб садрани агъуз аватдач.

Маса келимаярни важиблур я: “Сулейманаз чун ваъ, чаз ам артух герек я. Сулейман хътин шаир ганвай халкъ я гъве-

чІиди, я зайифди, я вичивай вич хуьз те-жердини туш!”

Чахъ, Шарвили хъиз, Сулейманни гала! Вичи Эминавайни, Саидавайни, вичелай вилик хъайи вири арифдаривай ирс къачур халкъдин хва!

Инал Михаил Шолохова лагъай гафарни рикел хквезва: “СтІал Сулейман халкъди вичи чІехи авур шаиррин жергедик акатзава. Шаирди хайи халкъдин фикирар, адан шадвилер ва хажалатар чимиз-чимиз инсанар гъейранардай хътин манириз-шиирриз элкьурна. Ашукъдин къуватдалди девлетлу хъхъай абур эбеди амуькун патал цийи кылелай халкъдин арадиз хъфена”. “Ашукъ” гаф писателди “ашукъ хъанвай” манада ишлемшнава.

Къенин аямда алаш-булашди гъикъван кьил хкажнаватІани, гъахъсузвилери басрухар гузватІани, СтІал Сулейманан шииратди чи руьгъдин пак къуватар артухарзава.

Архайнвал тежез риклин,
АтІайла кесибдин мумкин,
Я ахварал тefиз секин,
Куьгъне хире тІал гъатайла.

Гагъ регъуь жез, гагъ-гагъ кичІез,
Плузарар хуьурез, риклер шез,
Эхир кылни эхиз тежез,
Авахъна буьвел ацІайла...

Ихътин жавагъирар, алатай асирдин эвел килера хъейбур ятІани, къенин йикъарихъ галаз гъикъван къазва?! Куьгъне хирерни бархунар тІимил жезвач, амма абур, “ацІай буьвелар” хъиз, авахъдай югъни алуькьдайдал шак алач.

Вахт санал акъвазнавач. Ада вири чпин чкайрал тайин хъийида.

Чна СтІал Сулейманан шииратдин сувар мубаракзава, гуьрметлу кІелзавайбур!



ОБЩЕСТВО

Музейдин залра чІехи шаирдин уьмуьрдин рехъ, яратмишунар, дуьньядихъ галаз адан алакьаяр раижзавай ирсиниз талуьк экспонат эхцигнава, музейдин майданарни хейлин гегъеншарнава. Иниз къведай рекъе къир цанва...

▶ 4



СПОРТ

Чи машгъур спортсмен Рагъим Алиева вичин устадвални алакьунар мад сеферда виниз тир дережада къалурна: 91 кг-дилай гзаф заланвал авайбурун арада 1-чка къуналди, ада Россиядин чемпионвиллин тІвар къазанмишна.

▶ 12

Стал Сулейманан шииратдин сувар Илиф музейдиз!

Мизамудин МАГЪМУДОВ, Хазран КЪАСУМОВ

2016-йисан 21-мартдин йифиз намусдикай пай таганвай вагъшири Стал Сулейманан квал-музей канай.

Иис алатна, лезги халкъдин намуслу рухвайри, вандалриз жаваб яз, лап куруу вахтунда шаирдин цийи квал-музей хжаж хъууна! И кар патал вири халкъ сад хъана.



Стал Сулейманан квал-музей - цийи къаматда

Алай вахтунда музейдин залра чехи шаирдин умуурдин рехъ, яратмишунар, дуьньядихъ галаз адан алакъяр раижзавай ирсиниз талукъ экспонатар эхцигнава, музейдин майданарни хейлин гегъеншарнава. Иниз къедай рекъе къир цанва. Шаир къекъвей жигъирар, ада ял ягъай чкаяр аваданламышнава.



Мугъманри тамамарнавай кваллахриз еке къимет гана

И кардик чехи пай кутурбурун жергеда алай аямдин зурба меценат, "Шарвилидин" суварин гъаишалугъ тамада, общественный деятель Имам Яралиев, Сулейман-Стальский райондин къил, лезги члалан къудратлу алим Нариман Абдулмуталибов, машгъур карчи ва сенатор Сулейман Керимов, скульптор Шариф Шагъмарданов, карчи Зураб Шайдаев ва масабур ава.



Квал-музей авай рехъ гуьрчег хъанва

И йикъара цийи музей арадал хканвай дережадиз килигиз Махачкъалада киле РД-дин Гъукуматдин Председателдин Сад лагъай заместитель Анатолий Къарибов авай яратмишдай ва общественный деятельрин еке десте атанвай. Тамамарнавай кваллахрилай абуру разивал къалурна.



Шаир къекъвей рекъер аваданламышнава

Р.С. Къе нисинин сятдин 12-даз Махачкъалада, 11-даз Сулейман-Стальский райондин Агъа Сталрин хуьре чехи шаирдин шииратдин межлисар киле фида. Ша, бур, иштирака, гъуьрметлу ватангъалияр!

Итижлу гуьрууш



Алаудин ГЪАМИДОВ

12-майди "Дагъустан" РИА-да "Ачух власть" проектин сергъятра аваз республикадин журналистрихъ галаз РД-дин здравоохраненидин министр Танка ИБРАГЪИМОВАН итижлу гуьрууш киле фена.

Мярекат ачухайдалай гуьгуьниз "Дагъустан" РИА-дин директор Мегъамед МЕГЪАМЕДОВА гаф Т.Ибрагъимоваз гана.

Министр Дагъустандин здравоохраненида хъсан патахъ хъанвай дегишвилерал ва бязи кимивилерал акъвазна. Ада республикада агъалириз виниз тир технологирин бинедаллаз ийизвай куьмекдикай суьгъбетна. Гъа са вахтунда 2017-йисуз Дагъустандин медицинадин идарайра винидихъ лагъанвай хътин куьмек агакъдай азарлуирин къадар артухарун планламышнавайди къейдна.

Терроризмдиз - ваъ!

Гъавурдик кваз хъайила

Дашдемир ШЕРИФАЛИЕВ

РД-дин намусдин азадвилдин ва диндин тешкилатрихъ галаз алакъяр хуьнин рекъай Комитетдин векил Михаил Микаилов, республикадин Муфтиятдин къуллугъчи Али Мазукаев, Дагъустандин гуманитарный институтдин муаллим Мегъамед Гъазалиев, общественный хатасузвал хуьнин рекъай Ахцегъ райондин къилин заместитель, АТК-дин секретарь Роберт Гъамзаев, Общественный палатадин председатель Али Исмаилов, райондин имамрин Советдин председатель Абдулашим-гъажи Абдулгъашумов Ахцегъ райондин школайрин чехи классра келзавай жегъилрихъ галаз гуьруушмиш хъана.

"Чун терроризмдиз акси я!" ли-

шандик кваз тешкилай и мярекат Р.Гъамзаева ачухна.

- Дуьньядин гъалариз килигна, ихътин гуьруушар чна Дагъустандин вири райцентрайрани бязи чехи хуьрера киле тухузва, - башламышна вичин суьгъбет М. Микаилова. Ахпа ада залда авайбуруз "экстремизм", "терроризм" гафарин мана асантдиз гъавурда акъадай члалди ачухарна. Ада къейд авурвал, эгер инсан яна кин еке тахсиркарвал, гунагъ ятла, экстремист мадни хаталу я. Экстремистди яракъдалди, гуж гъалибуналди неинки са кас киниз, гъакъ обществендин къурулуш дегишаруниз эверзава. Террористди лагъайтла, са тахсирни квачир ислягъ ксар хъиткьинаруналди гъа экстремиствилдин члуру фикирар къилиз акъудзава. Экстремиствилдин члуру фикирар Дагъустандин жегъилрин арада

чукрунни дуьшуушдин кар туш. Чи ватандиз акси яз тухузвай гъерекатда душманриз Дагъустандин жегъиларни ишлемишиз кванзава. Ихътин муракаб шартлара, жегъилрин вилик, эвелимжи нубатда, хъсандиз келунин, диде-бубайрини муаллимри гузвай дуьз тербия къачунин жавабдар везифа ква. Гъавурдик квай, тербиялу инсан садавайни дуьз рекъелай алудиз жедат.

РД-дин Муфтиятдин векил А.Мазукаев вичин суьгъбетда Ислам диндин тарихдал ва адан машгъур векилрал акъвазна. Халис мусурман, муьмин касдин къилихрикъай рахуналди, ада жегъилриз гъакъикъи мисалралди "халифат", "жигъад", "шагъид" гафарин манаметлеб ачухарна. Жегъилриз Интернетдин ихтибар ийиз тежер малуматрин, наркотикар ва ички ишлемишунин зарардикай лагъана.

Цийи отделение ачухна

Гъазурайди -
Земфира БАБАЕВА

"Виридуьньядин лезги халкъарин Конгресс" общественный гъерекатдин Ханты-Мансийский региондин чкадин отделение (ХМРО) Нефтеюганск шегъерда кардик кутуна. Идахъ галаз алакъялу мярекат шегъерда авай "Халкъарин культурадин центрада" киле тухудай мумкинвал гунай Нефтеюганск шегъердин къил С.Дегтяревал ХМРО гъерекатдин председатель Жалауддин АБДУРАЗАКЪОВА чухсагъулдин келимаяр лагъана ва вири шегъергъалириз Гъалибвилдин сувар мубаракна. Ада Россияда жуьреба-жуьре адетар, культураяр, члалар, динар авай гъар жуьре халкъар дуствилелди, стхавилелди яшамаш жезвайди къейдна.



Ж.Абдуразакъова "Виридуьньядин лезги халкъарин Конгресс" гъерекатни Россиядин халкъарин арада садвал, сихвал, абадвал, адалат, динрин, миллетрин ихтиярар хуьнин терефдар тирди, и общественный гъерекатди экстремизмдиз, терро-

ризмдиз, миллетчивилиз, коррупцидиз аксивалзавайди къейдна.

Мярекатдал "Виридуьньядин лезги халкъарин Конгресс" гъерекатдин Нефтеюганск шегъердин чкадин отделенидин председателвиле Олег ПАШАЕВ хъяна.

Инсан ва адан кар Надир нехишрин устад

Нариман КЪАРИБОВ

Асас пешедихъ галаз санал яратмишдай бажарагъ, зигинлувални хъун инсан патал еке бахт я. Вичин ери-бине Табасаран райондин Хараг хуър тир Абдурагъман Малаалиевич Османовани гъа ик гьисабзава. Алай вахтунда хизани галаз къадим Дербентда яшамш жезвай ва Табасаранрин госдрамтеатрда художниквиле кваллахвавай адахъ галаз зун фадлай таниш я.

Кубандин (Краснодар) госуниверситетдин художественно-графический факультет акъалтларай Абдурагъман Османовакай къе вичел вирида дамахзавай пешекар художник хъанва. Ам РД-дин лайихлу художник, РФ-дин художникрин Союздин член, гзаф къадар выставкайрин, конкурсрин гъалибчи я.

Абдурагъман Османова халичар ва гебейр патал эскизар, махсус шиклар члугвазва - им пешекардин кеспидин къетгенвал я.

Художникди яратмишзавай (иллаки халичар твазвай) гъар са нехиш, шикл къетгенди, гурчегди ва дуьм - дуьзди хъана кланзава, - сугьбетзава Абдурагъман Османова. - Гьик хь, за махсус халичар хурун патал твар-ван авай инсанрин суретарни члугвазва. Ахпа гамунин устларри, абурал бинеламиш хъана, халичар хразва. Къейдна кланда хь, Абдурагъман Малаалиевича члугвазвай шиклар авай халичар адан уьмуьрдин юлдаш, Кьиблепатан Дагъустанда нехишрин машгур устлар Зейнабада хразва. Халичар патал суретар, эскизар гъазурунин карда Абдурагъманаз къе хчини - Юсуфа ва Юнуса - кумек гузва. Гъабурни художник я.

Кьилдин ксарилай гъейри, Абдурагъман Малаалиевича жуьреба-жуьре министерствойрин, ведомствойрин, РФ-дин Федерациядин Советдин ва Госдумадин паттайни заказар къабулзава, члехи устдвилелди абур тамамарзава. Абдурагъман Османован устдвал себей яз В.Путинан, Д.Медведеван, II Алексиян, Константинопольдин патриарх I Варфоломеян, Сулейман Керимован, Рамзан Къадирован, Дурия Рагъимовадин, Тамара



Дуриядин шикл авай гебе

Гвердцителидин, Палестинадин президент Магъмуд Аббасан ва машгур хейлин маса ксарин суретар халичар тваз хъанва.

Карл Марксан, В.И.Ленинан, Фидель Кастродин шиклар аваз хранвай халичар дуьньядин машгур музей безетмишнава.

Бажарагълу художник хьиз, Абдурагъман Османов карда цийивилер твадидини я. Ада арадал гъанвай гамар храдай станокди фабрикайра гамар ва халичар храдай устларрин зегъмет хейлин кьезиларнава. Ик, гъаркъувилел 2 ва яргъивилел 3 метр алай вижевай халича 12 сятдин вахтунда храдай мумкинвал хъанва. Алай вахтунда ам и станокдиз талукъ патент къачудай къайгуйрик ква.

Абдурагъман Османова лугъуз-вайвал, чи республикада гамар хрунин майишат эхиримжи йисара гзаф зайиф хъанва. Гамарин хейлин фабрикайра ва кьилдин цехар агал хъунини адан рикл секиндив тазвач. "Кубачидин, Унцукулдин заргарри ва Балхардин хъенчин устларри яратмишзавай надир шейэрихъ галаз санал, Дагъустан гъамаша гамаралдини чпиз тешпигъ авачир халичаралди машгур хъайиди я. Республикада чкадин промышленностдин и хел вилик тухвайтла, гамарин майишат кардик кухтуртла, вижевай кар жедай". Кьиблепатан Дагъустандин виликдай гамар ва халичар хурунал иллаки гзаф машгул хъайи районрин мектебра гамар храз чирдай махсус курсарни хъун лазим я", - лугъузва Абдурагъман Малаалиевича.

Пешедал ашукъди

Райсудин НАБИЕВ

Къулансталви ТИЖИБОВА Разият Россиядин Игит Радим Халикьован тварунихъ галай юкъван мектебда урус члаланни литературадин тарсар гузвай тежрибалу муаллим я. Муаллимвиле кеспидиз ада 27 йис бахшнава. Ада, дерин чирвилер аваз, Ленинан тварунихъ галай Дагъосуниверситет куьтягна. Вичин пешедал аялрал ашукъ Разият муаллим, "РФ-дин умуми образованидин гъурметлу работник", "Дагъустан Республикадин образованидин отличник" лагъай гъурметдин тварарин иеси я. 2015-2016-келунин йисуз тежрибалу муаллим Разият Садикьовна Россия-



дин Федерациядин Президентдин Грантдизни лайихлу хъана.

Меъгарамдхуьруьн райондай хабарар Ярагъ-Къазмайрал школа эцигзава

И йикъара Меъгарамдхуьруьн райондин кьил Фарид Агъмедов, адан заместитель Гъабилуллагъ Мурадалиев, образованидин управленидин профсоюздин тешкилатдин председатель Шевкет Меъгамедов, "Ярагъ-Къазмайрал" СП-дин кьил Къазмагъмед Къазмагъмедов Ярагъ-Къазмайрал цийи школадин эцигунар кьиле физвай гъалариз, чкадал фена, килигна.

Эцигунрин кваллахар "Елена" ООО-ди кьиле тухузва. Райондин кьили устларихъ галаз ни сугьбетарна. "Алай аямдин шартлара члехи фикир образованидиз гун герек я. Сифте нубатда ерилу чирвилер къачудай



шартлар арадал гъана кланда", - лагъана Ф.Агъмедова.

Цийи школа лап вижевай чкадал эцигзава. Санлай адаз 4

гектар чил чара авунва. Къе мертебадин и дараматда гележегда 320 аялдивай чирвилер къачуз жеда.

Важиблу гуьруьш



Мукъвара райадминистрациядин залда Кьиблепатан Дагъустанда РД-дин Муфтиятдин векил Магъди гъажи Абидов, ДГИ-дин муаллим Меъгамед Гъазалиев, Дагъустандин диндин комитетдин консультант

Микаил Микаилов, образованидин идарайрин къуллугъчияр, фекъияр члехи классра клелзавай аялрихъ галаз гуьруьшмиш хъана.

Меъгарамдхуьруьн администрациядин пресс-къуллугъ

Дагъустандин диндин комитетдинни, РД-дин Муфтиятдин саналди тир проектдин сергъятра аваз тешкилай и мярекат райондин администрациядин кьилин заместитель Зайнуддин Азимова ачухна ва асул фикир экстремизмдин, терроризмдин вилик пад къуниз гана.

Мугъманри аялриз, Меъгамед пайгамбардин уьмуьрдай чешнеяр гьиз, экстремизмдизни терроризмдиз акси темайрай лекцияр клелна. Диндин векилри Исламдин ва терроризмдин арада са алакъани авачирди къейдна.

Мярекатдин эхирдай мугъманри аялрин суалриз жавабар гана.

Рикли члугвадайди

Дагъви ШЕРИФ

Мукъвара Дагъустандин ктабрин издательстводи машгур журналист ва гъикаятчи, "Лезги газетдин" политикадин отделдин редактор Нариман ИБРАГЪИМОВАН къе повестдикай ибарат къешенг ктаб чапдай акъуднава.

Милли гъикаятдал рикл алайбуруз "Ватандиз рехъ" твар алай ктабдай "Бахт я хъуьреда, я шехъда" ва "Ватандиз рехъ" повестрихъ галаз таниш жедай мумкинвал ава. Абур къведни



алай аямдин гъакъикъатдин гуьзгуь я лугъуз жеда. Игитрин къаматар, хесетарни кьилихар ачухналди, вакъияр кьиле физвай алай вахт автордилай лап хъсандиз къалуриз алакъанав.

Вузра, школайра тарсунилай къеце клелун патал лап вижевай повестрикой ибарат "Ватандиз рехъ" ктаб регъятдиз клелиз жедайди, рикли члугвадайди хъанва. Амма гъайиф хь, адахъ я районрин школайрив, я библиотекайрив агакъдай хътин еке тираж (300 экземляр) авач.

Ивирар квадар тийин

Шагъабудин ШАБАТОВ

Алимри тесикъарзавайвал, лезгийар Кавказдин къадим, бинелу халкъарикай тирвилляй, чахъ са вахтара аслу тушир гъукуматни хъанай, къе клел-кхьинни ава, са халкъдикай тарихдин куьгъне ктабрани гзаф делилар гъатнава. Алай вахтунда чаз малум тушир тарихдин чинарни ава. Пакад юкъуз цийи несиларни, къе чун хьиз, халкъдин тарихдин суракъда тахъун патал, къе-маз къайгъу члугун чарасуз я. Милли эдебият, меденият хъ-

никай рахунар гзаф ийизватлани, тайин крар, къайгъу члугун аквазвач.

Яратмишунрал машгул ксарикай рахайтла, и кардиз кьил янавайбуру самбар хъанва, амма абурукай гъакъикъибурайни тапанбуруй кьил акъудун са акъван регъят кар туш. Пул гайила, квекай хъайитлани, гурчег жилдери авай ктабар жезва. Къелемдин халис устадрин ктабар клелзавайбурув агакъарунин месълани вилик акъвазнава. Абур школайрин, районрин библиотекайрив агакъариз хъанайтла, жегъил несил тарихдин цийиз жагъ-

урзавай делилрикай, аямдин гъикаятдикайни шииратдикай хабардар жедай.

Мад са месэла. Белки, чаз гъахълу критика бес жезвач жеда. Им библиотекайрални мектебрал вегъез жедай кваллах туш. И месэлайрин гъакъиндай яратмишзавайбурун союзри къайгъу члугун герек я. Еке такъатар харжна, юбилеяр къейдзава, важиблу месэлайрал гъалтайла, пул амукъзавач. Гена несилар и ва маса крарикай хабардарзавай газет-журнал чахъ ава. Ша абур хъайитлани вахт-вахтунда кхьин, клелин, аялриз чирин.

Стхайрин рехъ давамарзава

КУНГФУ

Рагнеда РАМАЛДАНОВА

Вичин ери-бине Мегьарамдхурун райондин Чохчарин хуър тир Гьажидидау Гьасановахъ галаз чи клелчияр фадлай таниш я. Алай вахтунда ДГТУ-дин прикладной информатикадин ва юриспруденциядин факультетдин 5-курсунда заочно клелзавай ам спортдал вичин 10 йис тамам хьайидалай инихъ машгул жезва. Спортдин са шумуд жуьредай: ушу-саньдадай, кунгфудай, женгинин самбодай, ММА-дай... ада къазанмишай агалкунрикой чна виликдайна хабарар ганай. Са тимил йикъар идалай вилик Гьажидидау чун мад шадарна: Санкт-Петербургда шегьерда кунгфудай киле феи Россиядин чемпионатда ада 75 кг-дал къведальди заланвал авайбурун арада 1-чка къуна. Россиядин чемпион-вилини твар ва алай йисан августдиз Америкадин Нью-Йоркда киле фидай дуьньядин чемпионатда иштиракдай мумкинвал къазанмишна...



мандадик кваз 30 спортсменди иштиракна) ада къве бягъс киле тухвана, финалда - Москвадин патай экъчйнавай дагъустанви Ш.Абдулжалиловахъ галаз вичин къуватар ахтармишна. Бамишардай къайдадикай менфят къачур Гь.Гьасанова инанмишвилелди гьалибвал къазанмишна. Алай вахтунда Гьажидидау тренерар тир Эльдар Гьасанован ва Эседуллагь Эмирагьаеван гьалик вердишвилер къачузва. Гележедин планрик лагьайтла, вичин къуватар пешекарвилдин рингда ахтармишун ква.

Къейд авун лазим я хьи, Гьажидидау спорт кланарайди адан къве стха - Эльдар ва Жавид Гьасановар я. Машгул спортсменар тир абур спортдивай гилани къерех хьанвач. ИкI, Эльдар Гьасанова (ам Дербентда кардик квай "Альянс-файтер" спортклубдин директор я) Дагъустандин МВД-дин патай акъ-

ажунра алай вахтундани иштиракзава, агалкунарни къазанмишзава. Кылди къачуртIа, алаатай йисуз ам женгинин самбодай чи улкъведин махсус къуллугърин арада киле тухвай Россиядин чемпионатда, какахъай единоборстойрай генерал Трошинан турнирда 1-чкайриз лайихлу хьана.

2012-йисуз ушу-саньдадай дуьньядин чемпионатдин буьруьнждин призёр, гьилералди куклунай Россиядин чемпион Жавид Гьасанова Дербентда суддин приставра къваллахзава, ам "Альянс-файтер" спортклубда тренерни я.

Субьбетдин эхирдай Гьажидидау кылди вичин ва вири хизандин тварунихъай (буба-Азиз Гьасанова ДГТУ-да учебно-производственный мастерскойдин заведующийвиле, диде - Фаимат Гьасанова Махачкъалада, МПБ-дин кардиологиядин отделенида медсестра яз къвалахзава) вичиз акъажунриз фидайла куьмекар гузвай ксариз чухсагьул лугьун тIалабна. Ингье а ксар: меценат, чи гзаф спортсменриз датIана куьмекар гузвай къегьал хва Азиз Яралиев, карчи Эдгард Адамов, Мегьарамдхурун райондин кыл Фарид Агьмедов, ДГТУ-дин заочный факультетдин декан Надир Санаев, ДГТУ-дин ректордин куьмекчи Сахавидин Агьабалиев, ДГТУ-дин кафедрадин заведующийдин заместитель Фатима Муслимова.

Чи мурад Гь.Гьасанов Нью-Йоркдайна гьалибвал къазанмишна хтун, ада спортдин виридалайни къакъан куклушар муьтлугьарун я.

Волейболдин фестиваль

Рагнеда РАМАЛДАНОВА

Алай йисан 21-майдиз Дагъустан Республикадин Халкъдин Собраниди кыл кутуналди Махачкъалада, РДЮСШ-дин спортдин майданрал, "Республикадин волейболдин югъ" фестиваль тухуда. Ана, меркездин школайра клелзавай аялрикой, студентрикой, министерстойринни ведомстойрин къуллугъчийрикой, волейболдин ветеранрикой ибарат тир 112 командадик кваз, 1000-далай виниз волейболистри иштиракда. Фестивалдин сергьятра аваз киле фидай турнирда РД-дин печатдин ва информациядин министерстводин командадини иштиракда.

Фестиваль Олимпиададин къайдада тухуда. Ана гьалиб хьайибуруз медалар, дипломар ва кубокар гуда.

Фестивалдин тереф хуьзвай ксарикой сад тир Дагъустандин ветеранрин командадин руководитель Тамирхан ТЕМИРХАНОВА (шикилда) киле фидай мярекатди-кой ихтин гафар лагьана: "Республикада волейболдиз талукъарна фестиваль тешкилун, республикадин Кили спортдин и жуьредиз артух фикир гун гзаф хьсан кар я. РД-дин киле Рамазан Гьажимуратович акъваздайдалай инихъ республикада волейболдиз артух фикир гуз эгечIайди къейд тавуна жедач. РД-дин физический культурадин ва спортдин министерстводи такъатар чара авуналди, ветеранрин командадиз республикадилай къеце киле физвай турнирра, чемпионатра иштиракдай, чи алакунар къалурдай мумкинвални хьана. ИкI, 2013-йисуз Италиядин Турин шегьерда киле феи Виридуьньядин спортдин ветеранрин Олимпиададин къугьунра Дагъустандин командади США-дин командадихъ галаз 3-чка пайна. Гуьгьуйнлай, галаз-галаз пуд йисуз (2012, 2013 ва 2014-йисар) Калужский областдин Обнинск шегьерда хьайи А.Ф.Липендинан тварунихъ галай международный турнирда 1-чкаяр къуна. Ахпа къве йисуз (2015, 2016-йисар) чун Россиядин чемпионвилдин тварцIиз, 2016-йисузни Россиядин Кубокдиз лайихлу хьана. Чна къазанмишнавай вири агалкунрик чи республикадин Килин еке пайни квайди гиссзава. Акъвазвайвал, къулай шартIар тешкилайла, хьсан нетижайрини чеб яргалди гуьзетиз тадач".



Чехи Гьалибвиллиз бахшна

ФУТБОЛ

Къагьриман ИБРАГЪИМОВ

И йикъара Белиж поселоқдин кыл Рамиз Гьабибулаеван призар патал 14-17 йисара авай жаванрин командайрин арада Чехи Гьалибвиллин 72 йисаз бахшна футболдай турнир киле фена. Ана Белиждин, ЛукIарин ва Нуьгидин 7 командади иштиракна.

Мярекат Белиж поселоқдин депутатрин собранидин председатель А.Сефербегова ачухна, анал Р.Гьабибулаев, поселоқдин депутат А.Закаръяев, и цIарарин автор, ДЮСШ-дин директор М.Къазиев ва масабур рахана.

Футболдай акъажунрин килин судья З.Гьажиханов тир. 1-чкадиз ва гьилий-гьилиз къведай кубокдиз



Белиж поселоқдин 2-нумрадин школадин команда лайихлу хьана. ЛукIарин ва Белиж поселоқдин 4-нумрадин школайрин командайри талукъ тирвал, 2 ва 3-чкаяр къуна.

Командайриз, къунвай чкайриз килигна, къизилдин, гимшидин ва буьруьнждин медалар, тупарни грамотаяр, килин судьядиз къиметлу пишкеш ва грамота гана.

"Жаван динамовчи"

САМБО

ЧИ КОРР.

Алай йисан 13-майдиз Смоленск шегьерда, "Юбилейный" Спортдин дворецда, ОМОН-дин подразделениедин къуллугъчи, РФ-дин Игит, вичин къуллугъдин рекъай везифаяр тамамардайла телеф хьайи В.Максакован экуь къаматдиз бахшна, "Жаван динамовчи" лишандик кваз самбодай киле тухвай международный X турнирда 1999, 2001-2002, 2003-2004-йисара хайи жаванри чпин устадвал къалурна. Абурун арадай яз Мегьарамдхурун райондай тир спортсмен Рашид Абдурагьмановани (62 кг) къызгин акъажунрин нетижда турнирда гьалибвал къазанмишна.

Вичин макъсад самбо мадни машгурун, динамовчийрин гьерекат вилик тухун, самбодал ва къенепатан



органа къуллугъ авунал жаванрин гегьенш къатар жезмай къван гзаф желбун, жаванар ватанпересвилдин рубьдаллаз тербияламшун тир и турнирдин тешкилатчи Смоленский областдин самбодин акъажунрин федерация ва "Динамо" обществодин Смоленскдин региональный тешкилат тир.

Рагьим Алиев - Россиядин чемпион



КИКБОКСИНГ

И йикъара Московский областдин Серпухов шегьерда кикбоксингдай Россиядин чемпионатда чи машгул спортсмен Рагьим Алиева вичин устадвални алакунар мад сеферда виниз тир дережеда къалурна: 91 кг-дилай гзаф заланвал авайбурун арада 1-чка къуналди, ада Россиядин чемпионвилдин твар къазанмишна. И агалкунри Р.Алиеваз октябрдиз Бразилияда киле фидай дуьньядин чемпионатда иштиракдай мумкинвал гузва.

